

theil vber die/ so ihm von Rechts vñ Gerichts wegen anbefohlen vnd vberantwortet werde: Und findet sich auch Gottes Werk vnd Ge- richt hieben/ daß ob schon mancher der Hand des Henckers entgehet/ so findet er doch endlich einen grausamern Hencker an sich selbst/ wie dann Nero/nach Erzehlung Eutropii, sein ei- gener Hencker seyn müssen/ da er/ wie er sich beflagt/ weder Freund oder Feind gefunden/ der ihm der Marter hette abgeholfen. Des- gleichen mußte sich der unkensche vnd unselige Sardanapalus, nach dem er lang in aller Un- licht gebrennet/ selbst ins Feuer stürzen/ wie Sidonius erzehlet. So mußte auch die schöne Cleopatra ihre eigene Henckerin seyn/ vnd selbst ein Gifft zu sich nehmen/auff daß sie sich dem schmählichen Triumph Octavii Augusti entziehen möchte. Soll derhalben niemande den Hencker verachten/ ob er schon/ wie ein Bräutigam/ seine Handschuh für sich tregt/ vnd mit den Dieben/Mörtern vnd Räubern/ so behedet in den Wälden vnd den Stätten sich auffhalte/ vmbgehet/ vnd den Stab of- fentlich auff dem Markt tregt/ dadurch er zu- ten vnd desß langen Schwerdts/ vnd alle böse Buben vermahnet/ daß sie sich für ihm hüten/ wie für dem Feuer. Sonderlich aber wirdt er gelobet/ wann er einem/den er gehencet/den Strick meisterlich anleget: oder einem Todt- schläger Kopff vnd Bart sauber vnd unge- hencetau hurtig/wie ein Gemß/vff die Schul- na pflegt zu thun/ wann er nicht gemeiniglich ein solcher Gottloser abgeschäumpter loser Künd were/ darüber er auch offtermals sei- nen Lohn empfahet/ daß/ wie er ein Gottlos vnd verflucht Leben geführet/ er auch endlich unter dem Galgen stirbet: vnd wie er zuvor manchen Fehrtag gemacht/ da man häufig

ist zugelauffen/ wen et ein Urtheil an anderu exequirt/ also kompt es auch endlich darzu/ dß jederman mit Freuden hinzu lauffe/ vnd will sehen wie ein Hencker / ja oftmais wie ein Schwager/ dem andern dienet. Hieben müß- sen wir es lassen bewenden/ vnd kehren uns nach andern ehrlichen Handwerken.

• 0690 • 0690 • 0690 • 0690 • 0690 • 0690 •

Acht vnd achzigster Discurs.

Bon Verleumbldern / Afferredern
vnd mißgünstigen Murmuren.

Djeses ist eine schändliche Profes- sion etlicher unholßlichen vnd boß- chafftigen Menschen / ja wol helli- schen Teuffeln/ welche ihen Lust darinn ha- ben/ daß sie von Morgends an/ bis vff den Abend nichts anders thun/ als bald diesen/ bald jenen auff das scheußlichste vnd schändlichste verleumbden vnd außmachen/ vnd ist kein Kram/oder kein March oder Platz/ öffentlich oder heimlich/ da sie sich nicht zusammen fin- den/ vnd mit d That beweisen/ daß sie desß Arretini, Borchielli vnd Franci , oder auch wol gar desß Pasquini vnd Marforii Schulgenos- sen sind: vnd sind desß Dings so gewohnet/ dß sie auch offtermals in beyseyn ehrlicher vnd unschuldiger Leute/jhre giftige vnd versuch- te Zungen nicht können im Zaum halten. Es gedencken auch die schändlichen Vößwichters/ dieweil sie also in desß Anaxarchi circulo ste- hē/ wie ein schädlich Ding es vmb solche Pro- fession sen/ damit sie sich offtermals/ wie ein Spizmauß/ selbst verrahen/ ja sie verlachen wol den nachdencklichen Spruch desß Hesio- di, welcher pflegt zu sagen/ daß die Zunge sich nimmer für die Thür solt heraus thun/ wel- che ihr die Natur mit so grossem Fleiß habe

Ecccc

ver-